

# Nove žrtve u sukobima u Libiji

14 februar 2012 Izmijenjeno 20:05 CET

**U tri dana borbi između plemena Zuvaja i Tubu nastradalo je 17 ljudi, a sukobi se nastavljaju, uz optužbe da libijske vlasti učestvuju u masakru šaljući podršku Zuvajima**



Prema izvorima iz oba plemena, najmanje jedan avion je sletio na aerodrom u Kufri s oružjem i ljudima /ilustracija/ [AFP/Getty]

Oružani sukobi između plemena u pustinjskom jugoistoku Libije, u kojim je bilo 17 mrtvih i 20 ranjenih u nedjelju i ponedjeljak, nastavljeni su u utorak s novim žrtvama, doznaje se iz plemenskih i zvaničnih izvora. U sukobima između plemena Zuvaja i Tubu, koji su u nedjelju izbili u Kufri, ubijeno je pet osoba, doznaje se iz plemenskih izvora. U ponedjeljak se broj mrtvih popeo na 17, prema istim izvorima.

'Vlada je poslala pojačanje Zuvajima. Plan je da se unište Tubui', optužio je Turki Tobavi, pripadnik plemena, i upozorio da se radi o 'masakru u kojem učestvuju libijske vlasti'.

Jedan pripadnik plemena Zuvaja izjavio je za AFP da je njegovo pleme opkolilo Tubue.

Prema izvorima iz oba plemena, najmanje jedan avion je sletio u ponedjeljak navečer na aerodrom u Kufri s oružjem i ljudima. "Vlada je poslala pojačanje Zuvajima. Plan je da se unište Tubui", optužio je Turki Tobavi, pripadnik plemena, i upozorio da se radi o "masakru u kojem učestvuju libijske vlasti".

Tubui, koji žive također u Nigeru i Čadu, protestiraju protiv marginaliziranja koji je još počeo pod režimom svrgnutog libijskog lidera Muammara Gaddafija, koji nije htio dati državljanstvo nekim pripadnicima plemena tvrdeći da su oni čadskog porijekla.

*Izvor: Al Jazeera*